



Tužilaštvo - Tužiteljstvo Bosne i Hercegovine
Тужилаштво Босне и Херцеговине

A-172-4/25

26.05.2025. godine

Na osnovu člana 69. i 70. Zakona o javnim nabavkama Bosne i Hercegovine („Službeni glasnik BiH“ broj: 39/14, 59/22) i člana 30. Pravilnika o javnim nabavkama roba, usluga i radova Tužilaštva BiH broj: A-200/24 od 16.05.2024. godine, glavni tužilac Tužilaštva – Tužiteljstva BiH donosi

ODLUKU
o izboru najpovoljnijeg ponuđača

Član 1.
(Predmet odluke)

Ugovor o nabavci kancelarijskog materijala za potrebe Tužilaštva-Tužiteljstva BiH, dodjeljuje se ponuđaču Defter d.o.o. Sarajevo.

Član 2.
(Kriterij za dodjelu ugovora)

1. Ponuda ponuđača iz člana 1. ove odluke zadovoljava sve uslove utvrđene u predmetnoj tenderskoj dokumentaciji/zahtjevu za dostavu ponuda.
2. Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i tenderskoj dokumentaciji.

Član 3.
(Stupanje na snagu)

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: A-172/25 od 30.04.2025. godine. Javna nabavka je provedena putem konkurentskog zahtjeva za dostavu ponuda. Procijenjena vrijednost nabavke je 36.500,00 KM bez PDV-a.

Obavještenje o nabavci je objavljeno na web portalu: <https://ejn.gov.ba/>, broj obavještenja: 435-7-1-14-3-22/25 od 30.04.2025. godine i u Službenom glasniku BiH broj: 27 od 09.05.2025. godine. Do krajnjeg roka za

dostavu ponuda, na protokol Tužilaštva – Tužiteljstva BiH zaprimljene su tri (3.) uredno zapečaćene i neotvorene ponude ponuđača: R&S d.o.o. Sarajevo, Aero-Exclusive d.o.o. Sarajevo i Defter d.o.o. Sarajevo.

Na osnovu Odluke o imenovanju Komisije za provođenje postupaka javnih nabavki Tužilaštva BiH za 2025. godinu, broj: A-463/24 od 13.12.2024. godine članovi Komisije (u daljem tekstu: Komisija) izvršili su pregled i ocjenu ponude i utvrdili su sljedeće:

Pregledom ponude ponuđača Aero-Exclusive d.o.o. Sarajevo, utvrđeno je da je ponuđač u dostavljenom Obrascu za cijenu ponude propustio upisati cijenu za kompletnu prvu stavku. Naime, tenderskom dokumentacijom ugovornog organa, tačkama 6.5.1. i 6.5.2. jasno je naznačeno da je ponuđač dužan dostaviti popunjen obrazac za ponudu i obrazac za cijenu ponude koji se nalaze u prilogu Zahtjeva/TD, u skladu sa svim podacima koji su definisani odnosno za sve stavke koje su sadržane u tim obrascima. U slučaju da ponuđač propusti popuniti obrazac za cijenu ponude u skladu sa postavljenim zahtjevima, za sve stavke koje su navedene, njegova ponuda će biti odbačena. Ukoliko obrazac za cijenu ponude sadrži više stavki, ponuđač je dužan dati ponudu za sve stavke, vodeći računa da ukupan zbir cijena svih stavki u obrascu ne može biti 0 (nula).

Obzirom na naprijed navedeno, ponuda ponuđača Aero-Exclusive d.o.o. Sarajevo nije skladu sa tenderskom dokumentacijom ugovornog organa, te se kao takva smatra nepravilnom i isključuje iz daljnog postupka javne nabavke.

Ponude ponuđača, R&S d.o.o. Sarajevo i Defter d.o.o. Sarajevo zadovoljavaju uslove tražene zahtjevom/TD, te se dostavljene ponude smatraju prihvatljivim. Početne ponude ponuđača su iznosile: R&S d.o.o. Sarajevo d.o.o. Sarajevo 36.035,74 KM bez PDV-a, Defter d.o.o. Sarajevo 36.114,29 KM bez PDV-a.

Tenderskom dokumentacijom/zahtjevom je bila predviđena e-aukcija koja je i održana dana 15.05.2025. godine. Nakon provedene e-aukcije utvrđeno je da su oba ponuđača, R&S d.o.o. Sarajevo i Defter d.o.o. Sarajevo d.o.o. Sarajevo ponudili niže cijene od inicijalno dostavljenih. Komisija je utvrdila da je e-aukcija u ovom postupku uspješno završena, te da je nakon završetka e-aukcije najnižu cijenu ponudio ponuđač Defter d.o.o. Sarajevo.

Shodno navedenom, Komisija predlaže rukovodiocu ugovornog organa da donese odluku o dodjeli ugovora ponuđaču Defter d.o.o. Sarajevo, čija ponuda ispunjava uslove za nabavku predmetne robe.

Uzimajući u obzir navedeno, odlučeno je kao u dispozitivu odluke.

Pouka o pravnom lijeku:

Žalba se izjavljuje Uredu za razmatranje žalbi Bosne i Hercegovine putem Tužilaštva - Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.



Dostavljeno:

- Ponuđačima;
- Odjelu za mat.-fin. poslove.